



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Bitvricen. Archiepiscopo.

**urn:nbn:de:hbz:466:1-20006**



cetero audiendus. Ceterum dicto H. naturæ debitum exolvente, cum Decanus & Capitulum de consilio venerabilis fratris nostri Episcopi Augusten. primo sex hebdomadarum, ac secundo aliarum sex, & deinde trium dierum spatium electioni de Præposito celebrandæ, ut absentes Canonici ad electionem concurrerent, statuisset, & eis postmodum convenientibus fuisset de electione tractatum, idem B. non antea contradixit quam ab electione tam se quam alios in minoribus ordinibus constitutos cognovit excludi. Sanè cum Decanus pericraturus omnium voluntates, dilecti filij Walterij Augusten. Canonici super electione ipsa requisisset assensum, ipse quod eis præsentibus qui erant infra sacros ordines constituti suam non exprimeret intentionem respondit, cum ipsi secundum statuta canonica nec eligi possent nec juxta Ecclesiæ consuetudinem in electione vocem aliquam obtinere. Vnde cum Capitulum communiter statuisset eos ad electionem nullatenus admittendos, dictus B. eidem Decano, Vlrico Archidiacono, & Ermano Canonico convitia inferens, ad sedem ap. appellavit, ipsis, ut ad nos accederent, per appellationem indicens. Et licet ipse cum quibusdam Canonicis suis de Capitulo recessisset, decem tamen alij numero plures & dignitate majores, cum decem & novem tantum, qui jus in electione habebant, ad hoc convenissent, attendentes quod ejus non intererat appellare cui nihil juris fuerat in Præpositura, te undecimum salva sedis ap. gratia, ne videlicet in contemptum apostolicum aliquid committere viderentur, in Præpositum elegerunt. Cum igitur ex prædictis constaret eum nec investitum fuisse per sedem apost. nec à Capitulo vel iudicibus delegatis electum fuisse in Præpositum vel assumptum, & si id etiam constitisset, sufficienter esset ex parte tua probatum investituram illam, si qua fuerat, fuisse per dictum prædecessorem nostrum postmodum revocatum, & si hæc etiam probata non essent, sufficienter esset per testes ostensum eum dicto H. reverentiam impendisse, nec esset contrarium, quod fuerat ex adverso probatum, eum prædicto H. semper contradixisse, cum verbis contradicere potuisset & operibus consentire; præsertim cum, etsi testes generali-

ter dixerint quod dictus B. semper contradixit, generalitas tamen illa debeat ad competentes horas restringi, ne convincantur falsum dixisse si generalius intelligatur quod dixerant, & ex his omnibus sequeretur quod sua non intererat propter hoc ad sedem apostolicam appellare; concludebas quod nihil eorum quæ facta fuerant obesset quominus tua deberet electio confirmari. Cum ergo dicti Cardinales hæc & alia quæcunque fuerant hinc inde proposita, nobis & fratribus nostris fideliter retulissent, attestationibus, allegationibus, & rationibus utriusque partis plenius auditis & cognitis, quia legitime constitit quod præfatus B. de Præpositura ipsa non fuit aliquatenus investitus, etsi mandatum fuerit ut de ea investiretur, de qua etiam si investitus fuisset, investitura ejus per prædecessorem nostrum semel & secundo certa fuit ratione cassata, quæ si nec etiam cassata fuisset, per hoc quod sapienter dicto H. reverentiam exhibuit, quæ debetur Præposito, juri suo renuntiasse videtur; Nos attendentes sibi non potuisse de jure competere ut per appellationem ob id interpositam communem ordinationem Ecclesiæ impediret, intelligentes etiam te à majori parte tam dignitate quam numero eorum quos jus eligendi constabat habere, electum fuisse canonicè in Præpositum, de communi fratrum consilio electionem tuam auctoritate apostolica confirmamus, præfato B. super ipsa Præpositura silentium imponentes. Nulli ergo &c. Datum Romæ apud sanctum Petrum &c. ut supra.

## BITVRICEN. ARCHIEPISCOPO.

**C**ONquerente dilecto filio Willielmo Canonico Stirpen. nostro est apostolatu referatum quod Abbas Stirpen. (quod dolentes referimus) canonicæ professionis oblitus & observantiæ regularis, in se malè vivendo, ad alios perditionis exempla transmittit: cujus in tantum excrevit iniquitas, ut in Ecclesia sibi commissa vigor sit religionis extinctus, & victus cotidianus non possit fratribus exhiberi. Ut enim multa & gravia quæ contra ipsum de dissolutione proprij corporis, dilapidatione honorum Ecclesiæ, crudelitate nimia nobis proposita sunt, taceamus, illud videtur in eo reprehensione dignissimum, quod

Epist. 211.  
Vt contra Abbatem Stirpensem diffamatum inquirat.



cum forma feri debeat subditorum, & ea facere quæ aliis prædicat facienda, illius sequens vestigia qui cœpit facere & docere, neque in dormitorio jacet cum aliis, neque in refectorio convivatur, torneamenta in partibus illis sine ipso non fiunt, studiosius seculari insitit militiæ quam cœlesti, cum scriptum sit, *Nemo militans Deo, implicat se negociis secularibus*, & discreti debeant esse milites Christi à militibus seculi, per quos ad effusionem sanguinis pervenitur, & cum vix sine ipso illæ detestabiles nundinæ celebrentur, milites, quorum se ducem constituit & magistrum, secum trahit ad prandia, & de rebus Ecclesiæ causa inanis gloriæ eos facit splendide procurari. Idem etiam Abbas novem vel plures Ecclesias, quæ per rectores proprios confueverant gubernari, suis usibus immo abusus applicavit, & eas ad extremam inanitionem deducens, neque ministros ibi constituit, nec prælatos, ita ut Ecclesiæ luminaribus & divinis officiis remanserint destituta, & elemosynis pauperes defraudentur, & si vellemus singula persequi quæ adversus eum sunt nostris auribus intimata, & lectio rædium pareret, & pagina cresceret in immensum. Nolentes inquam facile quicquam credere, nec re incognita procedere ad vindictam, cum nobis non constiterit de præmissis, causam ipsam fraternitati tuæ, de cujus sinceritate indubitam fiduciam obtinemus, duximus committendam, diffinitiva nobis sententia reservata; per apostolica scripta præcipiendo mandantes quatenus vel accedas ad locum, si videris expedire, vel vocatis ad præsentiam tuam quos videris evocandos, habito Dei timore præ oculis, sine personarum acceptione in causæ cognitione procedas, & per claustrales & alios, quos auctoritate nostra remota appellatione compelli volumus ut perhibeant testimonium veritati, de præmissis articulis & aliis quæ partes duxerint proponenda, plenissime studeas inquirere veritatem, & quicquid reprehensione inveniris dignum in capite vel in membris, in scriptum fideliter redigens, ad nos cures sub sigilli tui munimine destinare, in festo beati Andreæ terminum assignans partibus, quo se nostro conspectui præsentent, sententiam recepturæ. Illud autem attentè provideas, quod prædictus V. & hi qui adversus Abbatem

aliquid duxerint proponendum, nullius possint potentia impediri, sed eam securitatem te faciente obtineant, quam ordo judiciarius litigantibus exigit impendendam. Si quid autem in præjudicium ipsius Willielmi & sociorum ejus, ex quo iter arripuit ad sedem apostolicam veniendi, inveneris attentatum, viribus carere decernas, in expensis legitimis eis faciens provideri. Nullis literis & c. harum tenore & c. Datum ut supra.

## G. AQUINATI EPISCOPO.

**C**ongruam officij nostri actionem exequimur, si pro Ecclesiarum statu impigro studio satagimus, vigilem curam & sollicitudinem adhibentes ne in earum præjudicium aliquid statuatur, & si qua deprehendantur temerè attentata, falce moderaminis refecamus. Intelleximus sanè quòd bonæ memoriæ R. prædecessor tuus partem decimarum ad mensam Episcopi pertinentem in beneficium Clericis quibusdam concessit, quædam etiam, cum ageret in extremis, tam in possessionibus quàm in quibusdam proventibus aliis personis tam Clericis quàm laicis, non servata pontificali maturitate, donavit. Volentes itaque indemnitati tuæ & Ecclesiæ tibi commissæ pastoralis diligentia providere, prædicta omnia, sicut illicitè alienata esse constiterit, appellatione remota, legitime revocandi facultatem tibi auctoritate apostolica indulgemus. Datum Romæ apud sanctum Petrum & c. VIII. Kalend. Julij.

## B. VVATIEN. EPISCOPO.

**C**um à nobis petitur & c. usque ad *verbum* effectum. Ex parte siquidem tua nostris fuit auribus intimatum, quòd cum Presbyteri tuæ diocesis nunquam ad synodum convenirent, tu, sicut vir discretus & providus, diligenter attendens quòd quia nunquam exhortationem sui Episcopi audiebant, nec percipiebant correctionem suorum excessuum, in eis & eorum subditis apparebat morum nimia corruptela, & nimis existerant imperiti & rudes in regenda animarum cura, habito consilio venerabilis fratris nostri Job. Metropolitanani tui & Capituli Ecclesiæ tuæ, ut omnes Presbyteri & Prælati tuæ diocesis annuatim in nativitate beatæ Virginis venirent ad tuam synodum, delibe-

V ij

Epist. 192.  
Ut à decessore suo alienata & vendita rescindatur.

Epist. 193.  
Cōstitutio quædam de synodo servanda confirmatur.